

5. Stjórn félagsins skipa fimm menn, formaður og fjórir meðstjórnendur og skulu þeir kosnir þannig að einn verði úr hverjum eftirtalinnna hreppa: Ásahreppi, Holtahreppi, Djúpárhreppi og Landhreppi ásamt Næfurholti og Hólum. Fimmti stjórnarmaðurinn skal kjörinn úr Ásahreppi eða Djúpárhreppi. Stjórnarmenn skulu kosnir á aðalfundi til þriggja ára í senn. Ganga þeir úr stjórninni á víxl þannig að formaður gengur úr eftir eitt ár. Tveir meðstjórnendur eftir tvö ár og hinir eftir þrjú ár og helst svo sama röð áfram. Enginn atkvæðisbær félagsmaður getur skorast undan endurkosningu nema sérstök forföll heimili eða hann hafi verið í stjórn í þrjú ár. Kjósa skal fjóra varamenn og tvo endurskoðendur til tveggja ára í senn, þannig að tveir varamenn og annar endurskoðandinn gangi úr annað árið, og hinir hitt árið.
6. Stjórn félagsins hefir á hendi allar framkvæmdir félagsins milli aðalfunda. Hún fær menn sér til aðstoðar við þau störf í þágu félagsins sem vinna þarf á hverjum tíma og semur við þá um þóknun fyrir. Formaður er fulltrúi félagsins út á við og hefur yfirumsjón með öllum störfum félagsins og fjárreiðum. Óheimilt er öllum að veiða á félagssvæðinu, nema með sérstöku skriflegu leyfi félagsstjórnarinnar. Í leyfinu skal tekið fram um veiðitíma og veiðitæki og með hvaða kjörum leyfið er veitt.
7. Aðalfund skal halda ekki síðar en í apríl ár hvert. Á aðalfundi skýrir stjórnin frá störfum félagsins á liðnu starfsári og leggur fram tillögur um starfsemi þess á næsta ári. Þá skal hún leggja fram endurskoðaða reikninga félagsins og úrskurðar fundurinn um þá.
8. Reikningsár félagsins er almanaksárið. Stjórninni ber að færa reikningana í gerðabók, sem henni er skylt að halda, svo og samþykktir félagsins, félagaskrá, arðskrá, fundargerðir og bréf og skal hafa sérstakt reikningshald fyrir A- og B-deildir félagsins samkv. 9. grein.
9. Arði af sameiginlegri veiði skal skipt niður á félagsmenn samkvæmt arðskrá er verði í tveimur deildum:
 - A: Þórisvatn, Krókslón, Hrauneyjarfosslón og Tungnaá sbr. 3. grein.
 - B: Önnur vötn á Holtamannaafrétti nema Þjórsá.
 Félagsmenn greiði gjöld til félagsins í sömu hlutföllum og þeir taka arð.
10. Brot á samþykkt þessari varða sektum samkvæmt XVI. kafla laga nr. 76/1970 um lax- og silungsveiði.

Samþykkt þessi staðfestist hér með samkvæmt 52. gr. laga nr. 76 25. júní 1970 um lax- og silungsveiði og birtist til eftirbreytni öllum þeim sem hlut eiga að máli.

Landbúnaðarráðuneytið, 1. júní 1992.

Halldór Blöndal.

Jón Höskuldsson.

SAMÞYKKT

fyrir Veiðifélag Haftralónsár.

1. Félagið heitir Veiðifélag Haftralónsár. Heimili þess og varnarþing er heimili formanns félagsins á hverjum tíma.
2. Félagið nær til allra jarða, sem land eiga að Haftralónsá, en þær eru: Syðri-Brekkur I, Syðri-Brekkur II, Hallgilsstaðir I, Hallgilsstaðir II, Tungusel, Þorsteinsstaðir, Syðra-

Lón, Hvammur I, Víðimörk, Hvammur II, Hvammur III, Hvammur IV, Brúarland, Gunnarsstaðir I, Gunnarsstaðir II.

3. Verkefni félagsins er að viðhalda góðri fiskgengd á félagssvæðinu og að ráðstafa veiði eftir því sem aðalfundur ákveður. Félagið tekur til allrar veiði á félagssvæðinu.
4. Stjórn félagsins skipa þrír menn, formaður og tveir meðstjórnendur. Skulu þeir kosnir á aðalfundi til þriggja ára í senn. Ganga þeir úr stjórninni á víxl þannig, að formaður gengur út eftir eitt ár, annar meðstjórnandinn eftir tvö ár, og hinn eftir þrjú ár, og helst svo sama röð áfram. Enginn atkvæðisbær félagsmaður getur skorast undan endurkosningu, nema sérstök forföll hamli, eða að hann hafi verið í stjórn í þrjú ár. Kjósa skal tvo varamenn og tvo endurskoðendur til tveggja ára í senn, þannig að annar varamaðurinn og annar endurskoðandinn gangi út annað árið, og hinir hitt árið.
5. Stjórnin hefur á hendi allar framkvæmdir félagsins milli aðalfunda. Hún fær menn sér til aðstoðar við þau störf í þágu félagsins, sem vinna þarf á hverjum tíma, og semur við þá um þóknun fyrir. Formaður er fulltrúi félagsins út á við og hefur yfirumsjón með öllum störfum félagsins og fjárreiðum.
Óheimilt er öllum að veiða á félagssvæðinu, nema með sérstöku skriflegu leyfi félagsstjórnarinnar. Í leyfinu skal tekið fram um veiditíma og veiditæki, og með hvaða kjörum leyfið er veitt.
6. Aðalfund skal halda fyrir júnílok ár hvert. Á aðalfundi skýrir stjórnin frá störfum félagsins á liðnu starfsári og leggur fram tillögur um starfssemi þess á næsta ári. Þá skal hún leggja fram endurskoðaða reikninga félagsins og úrskurðar fundurinn um þá. Einnig skulu fara fram kosningar skv. 4. gr.
7. Reikningsár félagsins er almanaksárið. Stjórninni ber að færa reikningana í gerðabók, sem henni er skylt að halda, svo og samþykktir félagsins, félagaskrá, arðskrá, fundargerðir og bréf.
8. Arði af sameiginlegri veiði skal skipt niður á félagsmenn samkvæmt arðskrá, félagsmenn greiði gjöld til félagsins í sömu hlutföllum og þeir taka arð.
9. Brot á samþykkt þessari varðar sektum samkvæmt XVI. kafla laga nr. 76/1970 um lax- og silungsveiði.

Samþykkt þessi staðfestist hér með samkvæmt 52. gr. laga nr. 76 25. júní 1970 um lax- og silungsveiði og birtist til eftirbreytni öllum þeim sem hlut eiga að máli.

Landbúnaðarráðuneytið, 1. júní 1992.

Halldór Blöndal.

Jón Höskuldsson.

Nr. 217

21. maí 1992

AUGLÝSING

um umferð í Garðabæ.

Samkvæmt heimild í b-lið 2. mgr. 81. gr. umferðarlaga nr. 50/1987 og að fenginni tillögu bæjarstjórnarinnar í Garðabæ, ákveðst að umferð um Garðahraun skuli hafa forgang gagnvart umferð um Álftanesveg (biðskylda á nýja vegarspotta á bæjarmörkum ofan við Hafnarfjörð, sem nefndur hefur verið Álftanesvegur, gagnvart Garðahrauni).

Lögreglustjórnin í Garðabæ, 21. maí 1992.

Már Pétursson.